



Әуезов университеті - бүгін


Әуезов университеті - оңтүстік өңірдегі жетекші ЖОО, оның ғылыми-зерттеу және инновациялық қызметі өңірдің және елдің инновациялық - индустриялық және әлеуметтік-экономикалық дамуын ғылыми қамтамасыз етуге, ғылымның, білім мен инновациялардың тығыз интеграциясы негізінде жоғары білікті кадрларды даярлау іске асырылатын қазіргі заманғы ғылыми-білім беру ортасын қалыптастыруға бағытталған.

ҚР Білім және ғылым министрінің 2020 жылғы № 408 бұйрығымен Директорлар кеңесінің құрамы сайланды, оның құрамына құрылтайшының, Жалғыз акционердің өкілдері, білім беру саласындағы сарапшылар, тәуелсіз директорлар енді. Сондай-ақ атқарушы орган - Басқарма құрылды, ЖОО-ны басқарудың жаңа ұйымдастырушылық құрылымы бекітілді, Университеттің дамыудың 2021-2025 жж. арналған Стратегиялық жоспары қабылданды. Қазіргі таңда стратегиялық жоспарға сәйкес университетіміздің миссиясы ғылыми-зерттеу университетіне трансформациялануы көзделген.

Университетте 2000-ға жуық кадрлық құрамы ғалымдар мен жоғары білікті мамандардан, білім, ғылым, мәдениет және спорттың еңбек сіңірген қайраткерлерден тұрады, оның ішінде 15 академик және әртүрлі академиялардың 14 корреспондент мүшесі, 85 ғылым докторлары, 500 ғылым кандидаттары, 100 астам PhD докторлары, 169 магистр ғалымдары, 453 өнеркәсіптен шақырылған мамандар жұмыс жасайды.

Профессорлық оқытушы құрамында «ЖОО үздік оқытушысы» атағының 300 иегері, «Болашақ» халықаралық бағдарламасының 80 түлегі, ғылым және техника саласындағы Мемлекеттік сыйлықтың 6 лауреаты қызмет атқарады.

Әуезов университеті 7 әлемнің жаһанды рейтингінде келесі жүлделі орындарға ие:



М. Әуезов атындағы Оңтүстік Қазақстан университеті - жоғары білікті кадрларды даярлауды, ғылыми зерттеулер жүргізуді жүзеге асыратын, экономиканың жоғары технологиялық салалары мүддесінде инновациялық әзірлемелерді орындайтын оңтүстік өңірдің ғылыми-білім беру, зияткерлік және мәдени орталығы болып табылатын елдің ірі көпсалалы жоғары оқу орындарының бірі.

- QS Asia University Rankings - 144-ші орында;
- UI Green Metric World University Rankings университеттерінің Дүниежүзілік рейтингінде - 333 орында;

- «Ranking by Campus Setting - 2021» - 170 жоғары оқу орнының ішінен әлемде 34-орындарды иелене отырып, Quacquarelli Symonds беделді британдық рейтингі бойынша - 4 жұлдыз жоғары бағаға ие болды.

- GreenMetric-тің «Ranking by Region 2021 - Asia» аймақтық рейтингінде - 144-ші орында тұрған ТОП - 200-ге кіреді.

- Times Higher Education - ImpactRankings компаниясының халықаралық рейтингінде алғаш рет 2022 жылы ОҚУ үздік 1001+қатарына енді.

Ал, Қазақстанның үздік жоғары оқу орындарының ұлттық рейтингінің қорытындысы бойынша университет 2 орынды иеленіп отыр.

ЖОО білім алушыларының жалпы контингенті - 28500 білім алушылар, оның ішінде шетелдік студенттер саны - 3300 адамды құрайды.

Университетте жоғары және жоғары оқу орнынан кейінгі білім, бойынша 300 білім беру бағдарламасы, -78 бағыты бойынша, 153 бакалавриат, 109 магистратура, 27 докторантура және 2 қолданбалы бакалавриат бағдарламаларын қамтып, 8 білім беру бағдарламалары бойынша 6 диссертациялық кеңес белсенді жұмыс атқаруда, оның ішінде басым көпшілігі инженерлік - техникалық және қолданбалы ғылыми бағытта, сонымен қатар 38 әріптес стейкхолдермен біріктірілген дуалды білім беру бағдарламасы жүзеге асырылады.

300 білім беру бағдарламасы аккредителінген. 11 бағдарлама Германияның АСИИН агенттігімен сәтті аккредиттелген, оның ішінде 4 бакалавриат бағдарламасы Еуробакалавр сапа белгісі, 3 магистратура бағдарламасы химия саласындағы үздік білім беру бағдарламаларына берілетін Еуромастер сапа белгісін алды.



Білім беру бағдарламаларын әзірлеу кезінде стейхолдерлердің талаптары, кәсіби стандарттар, жаңа кәсіптер Атласы, жетекші шетелдік жоғары оқу орындарының тәжірибесі ескеріледі. Оңтүстік өңір кәсіпорындарының тапсырысы бойынша инновациялық БББ-ың үлесі - 8 %, пәнаралық БББ - 8,6 % құрайды. Университетте білім беруді интернационалдандыру бағытында жұмыстар белсенді атқарылуда. Халықаралық ынтымақтастық жақын және алыс шетелдердің 200-ден астам шетелдік серіктес жоғары оқу орындарымен жүзеге асырылады, олардың 35-і стратегиялық серіктестер (алмасу, академиялық ұтқырлық, бірлескен БББ, тағылымдамалар және т.б.).

Академиялық ұтқырлық бағдарламасы аясында студенттер университеттің шетелдік және қазақстандық серіктес университеттерінде білім алу мүмкіндігіне ие болды. 2018-2023 жылдар аралығында Оңтүстік-Шығыс Азия, Түркия, АҚШ және Ұлыбритания, Еуропаның Хоф, Хемниц, Валенсия, Кадис, Пуэрта Малайзия, Туриба жетекші университеттерінде 2000-нан астам бакалавриат және магистратура бағыты бойынша білім алуда. Университетімізге Ұлыбритания, Малайзия, Түркия, Ресей Федерациясы, Беларусь, АҚШ, Оңтүстік Корея, Италия және ТМД елдерінен 317 шетелдік маман бірлескен оқу және ғылыми қызметке шақырылды.

ЖОО Еуропа мен ТМД елдерінің 12 халықаралық қауымдастықтары мен консорциумдарының мүшесі, ЖОО-ның 5 консорциумының қатысушысы және 15 халықаралық ұйымға мүше. ТОП-500 QS құрамына кіретін жетекші шетелдік жоғары оқу орындарымен серіктестікте 2 диплом бере отырып, 11 бірлескен БББ іске асырылуда.

Сондай-ақ, Гамбург (Германия) қолданбалы ғылымдар университетімен энергетика және азық-түлік өндірісі, УШОС (Шанхай ынтымақтастық Ұйымы университеті) бағыттары бойынша екі дипломдық білім беру бағдарламалары іске асырылуда.

Эразмус+ бағдарламасы шеңберінде Қазақстанның жоғары білім беру саласындағы әлеуетті арттыру бойынша 3 халықаралық жоба іске асырылуда, оның ішінде «Қазақстанда дуальді жүйені енгізу» құрылымдық жобасында ОҚУ грантхолдер болып табылады.

Университетте 4-бірлескен (халықаралық) орталық жұмыс істейді: Француз Альянсы, Корея білім беру орталығы, TOEFL аймақтық орталығы және «Ньютон - Әл-Фараби» серіктестік бағдарламасы аясында кәсіби даму және өзара іс-қимыл орталығы.

2023 жылы университетте 3 млрд 800 мың теңге сомасына 56 жоба орындалуда, олар 22 ғылыми-зерттеу институттарымен тығыз ынтымақтастықта іске асырылды, бұдан басқа, ҒЗИ бірлесіп бағдарламалық-нысаналы қаржыландыру бойынша 2 жоба, 9 гранттық ғылыми жоба орындалып жатыр.



Өңірге инвестициялар «Ғылым қоры» АҚ желісі бойынша жалпы сомасы 1 млрд 302 млн теңгеге 4 коммерцияландыру жоба орындалады (жетекшілер техника ғылымдарының докторы Жантасов К.Т., техника ғылымдарының докторы Сарсенбаев Б. К., техника ғылымдарының кандидаты Қалымбетов Б. Е., техника ғылымдарының кандидаты Ташименов Р.С.).

Университет ғалымдары ұлттық орталықтың бірлескен жұмысының нәтижесінде кремний оксидінің көміртегімен және темірмен өзара әрекеттесуі кезінде темір силицидтерінің түзуінің жеделдету жөнінде ғылыми жаңалық ашылды, сондай-ақ ОҚУ ғалымдары Ұлттық Ғылым Академиясымен бірлесіп титанды ыдырату жөнінде ғылыми жаңалық тіркеді. Ғылыми және ғылыми-техникалық жобалар мен бағдарламаларды орындау үшін 178 орындаушы, оның ішінде 20-дан астам шетелдік ғалым тартылды. Ғылыми процеске 17 ғылыми зертхана, «Конструкциялық және биохимиялық материалдар» инженерлік бейіндегі 1 аккредиттелген сертификаттық сынақ зертханасы таптылды.

Білім, ғылым және бизнестің ынтымақтастығы мен интеграциясын ұйымдастыру, сондай-ақ аяқталған ғылыми-зерттеу және тәжірибелік конструкторлық жұмыстарды коммерцияландыру инфрақұрылымын дамыту үшін университет ғылымды қажетсінетін бизнес-инкубаторы және университеттің ғылыми қызметінің практикалық негізі ретінде қызмет ететін «Жаскешу» аграрлық ғылыми-технологиялық орталығын құрды. Түркістан облысы Қазығұрт ауданы «Қазығұрт» индустриялық аймағында газ блоктары зауытын жаңғырту жұмыстары жүргізілуде.

Ғылыми және ақпараттық сұраныстарға қажеттілікті қамтамасыз ету және ол үшін қолайлы жағдайлар жасау мақсатында университет пайдаланушыларына «Шпрингер Линк», «Ин-

тегрум», «Полпред», «Thomson Reuters ISI Web of Knowledge», «Elsevier», «EBSCO» деректер базасына; «ҚазПАТЕНТ», «ҚР стандарттары», «Адам құқықтары жөніндегі цифрлық кітапхана», «Заң» қазақстандық деректер базаларына online қолжетімділік ашылды. Сондай-ақ, интеллектуалды зияткерлік меншік саласына Еуразиялық патенттік ұйымның халықаралық базаларына, Еуропалық патенттік бюроның, Дүниежүзілік зияткерлік меншік ұйымының, АҚШ патенттік ведомствосының ұлттық базасына, Ресей патенттік базасына, сондай-ақ Қазақстан Республикасының Ұлттық Патенттік ведомствосына online ақпарат алу қолжетімділігі қамтамасыз етілген.

2023 жылдың наурыз айынан бастап университеттің барлық білім алушылары Ғылым және жоғары білім министрлігінің қолдауымен, «Қазақстан халқына» қоғамдық қорының Қамқоршылық кеңесімен бекітілген «Coursera» платформасындағы онлайн курстарға квота негізінде қол жеткізді, ал «Courserаның» ең үздік 654 курсы мемлекеттік тілге аударылған. М.Әуезов атындағы Оңтүстік Қазақстан университетінің 4500 астам білім алушылары «Coursera» платформасындағы Meta, IBM әлемдік көшбасшы компанияларында онлайн курстарында оқуға мүмкіндік алды.

Сонымен қатар, Әуезов университеті өзінің үшінші миссиясын әлеуметтік жауапты университет ретінде жүзеге асыра отырып, «Толық адам» контекстінде көшбасшылық және коммуникативтік құзыреттілікке ие жеке тұлғаны қалыптастыра отырып, өңірдің және елдің қоғамдық-саяси, әлеуметтік-мәдени өміріне белсенді қатысады. Осы тұжырымдама шеңберінде білім алушылардың 83 %-ы жастар ұйымдарының қызметіне, университеттің студенттік өзін-өзі басқару және алқалы басқару органдарына, 40 %-ы еріктілер қозғалысына, 20 %-дан астамы салауатты өмір салтын қалыптастыру бойынша спорт секцияларына қатысады.

М.Әуезов ОҚУ өзінің үшінші миссиясын орындау және зейнет жасындағы азаматтарға әлеуметтік көмек көрсету мақсатында 2021 жылдан бастап, «Салиқалы университет» жобасын іске асыра бастады, ол аға буын өкілдерінің шығармашылық және кәсіби дамуына және олардың белсенді еңбек қызметіне оралуына жағдай жасауға бағытталған.

Жобаның мақсаты: Зейнет жасындағы азаматтардың кәсіби және белсенді ұзақ өмір сүруі үшін жағдай жасау, өмір сүру сағасын арттыру; Жаңа мамандықтарды игеруге мүмкіндік беру және қоғамдық өмірге белсенді араластыру.

Университетіміздің оқу үдерісін оңтайландыру, қызметкерлердің жұмысын жеңілдету және толық цифрлық форматқа өту мақсатында «SMART» платформасы жасалды. Бүгінгі таңда «SMART» платформасы адам ресурстарды үнемдеп, адалдық лига талаптарына сай тәуекелдерді азайтып келеді.